

**AKTI I THEMELIMIT TË SHOQËRISË ME PËRGJEGJËSI TË KUFIZUAR**

**" THEMATIC INFORMATION BROADCASTING OPERATOR "**

**Neni 1**

Sot ne date 07.11.2022 themelohet shoqeria tregtare me perjegjesi te kufizuar "THEMATIC INFORMATION BROADCASTING OPERATOR" sh.p.k., mbeshtetur ne ligjin nr.9901, date 14.4.2008 "Per Tregtaret dhe Shoqerite Tregtare" te ndryshuar, ligjin nr. 9723, date 3.5.2007 "Per Qendren Kombetare te Regjistrimit", ligjin nr. 9121, date 28.7.2003, "Per Mbrojtjen e Konkurrences", Kodin Civil dhe Kodin e Punës me ortak themelues si vijon:

- Alessia Vogli, e bija e Gazmend-it e lindur në Peqin në datën 22/10/1995 dhe banuese në Lgj: "Teqe", Rr: "Shqyri Myftiu" madhore dhe me zotësi të plotë për të vepruar.

**KREU I  
PËRKUFIZIME**

**Neni 2**

**Emërtimi i shoqërisë**

Emërtimi i shoqërisë është "THEMATIC INFORMATION BROADCASTING OPERATOR" sh.p.k

**Neni 3  
Forma**

Shoqeria "THEMATIC INFORMATION BROADCASTING OPERATOR" sh.p.k është Shoqeri me Përgjegjësi të Kufizuar.

**Neni 4  
Selia**

1. Selia e Shoqërise ndodhet në Qytetin e Tiranës në adresën: Elbasan,Peqin, Lagjja "Xhami", Bulevardi "Mustafa Gjinishi", godine 4 kateshe, nr.2
2. Shoqeria ka të drejtë të hapi filiale të tjera brenda territorit të Republikës së Shqipërisë në varësi të selisë Qendrore që ndodhet në qytetin e Peqinit.
3. Vendi i mbajtjes së mbledhjeve të asamblesë së përgjithshme është selia e shoqërisë. Nëse bihet dakord me shumicë të thjeshtë të ortakëve mbledhjet e asamblesë mund të kryhen në një vend tjetër.

**Neni 5**

**Objekti i veprimitarisë së shoqërisë**

1. Objekti i veprimitarisë së shoqërisë është:
  - Ofrimi i shërbimeve Televizive dhe të Radios

**Neni 6**

**Vula e shoqërisë**

1. Shoqeria ka vulën e saj, në brendësi të së cilës shkruhet i plotë emertimi i shoqërise dhe forma e saj juridike.
2. Te gjitha aktet që dalin nga shoqeria, pasi nënshkrohen sipas ligjit, vulen me shoqërisë.



### Neni 7

#### Kohëzgjatja e shoqërisë

1. Kohëzgjatja e shoqërisë do të jetë e pakufizuar dhe fillon nga momenti i regjistrimit të saj në Qendrën Kombëtare të Biznesit me përjashtim të rasteve kur mbaron sipas parashikimeve në ligj ose kur vendos Asambleja e Përgjithshme.

### Neni 8

#### Veprimet e lejuara të shoqërisë

1. Shoqëria mund të ndryshojë emërtimin, selinë, kohëzgjatjen dhe objektin e veprimitarës së saj sipas vendimeve që do të marre Asambleja e Përgjithshme me shumicën e ortakëve që përfaqësojnë të paken  $\frac{3}{4}$  e pjesëve të kapitalit.

### Neni 9

#### Marrëdhëniet e punës

2. Shoqëria për të kryer veprimitarinë e saj sipas objektit të saj do të lidhë kontrata individuale për të rregulluar marrëdhëniet e punës.
3. Kontratat e punës do të lidhen konform ligjit “Kodi i Punës së Republikës së Shqipërisë” dhe dispozitive të tjera ligjore që rregullojnë marrëdhëniet e punës në Republikën e Shqipërisë.

### KREU III

#### PARIMI I DETYRIMIT TË BESNIKËRISË

#### Neni 10

#### Ndalimi, konflikti i interesit dhe personat e lidhur

1. Personi i autorizuar për të përfaqësuar ose mbikqyrur shoqerinë tregtare nuk mund të lidhe kontrata apo të hyjë në marrëdhënie të tjera me shoqerinë tregtare, nëse nuk deklarohen kushtet e veprimit, si dhe natyrën e objektit e interesit të tij e veprimi nuk autorizohet paraprakisht nga shumica e ortakëve që përfaqësojnë të paken  $\frac{3}{4}$  e pjesëve të kapitalit.
2. Çdo miratim paraprak dhe i përgjithshëm njoftohet për regjistrim në Qendrën Kombëtare të Biznesit.
3. Miratimi i parashikuar jepet, gjithashtu, për çdo kontratë apo marrëdhënie tjetër, që shoqëria lidh me një palë të tretë, e cila ka marrëdhënie personale apo financiare me personat e autorizuar për të përfaqësuar ose për të mbikëqyrur shoqerinë, apo me palë të treta, marrëdhëniet e të cilave me personat e mësipërm janë të tilla që, në mënyrë të arsyeshme, mund të ndikojnë vendimmarrjen e tyre në kundërshtim me interesat e shoqërisë. Personat në vijim prezumohen të kenë një apo më shumë nga interesat e mësipërm me personat e autorizuar për të përfaqësuar ose për të mbikëqyrur shoqerinë:
  - a) bashkëshorti/bashkëshortja, prindërit, vëllezërit ose motrat e bashkëshortit/bashkëshortes;
  - b) fëmijët, prindërit, vëllezërit, motrat, fëmijët e fëmijëve ose bashkëshorti/bashkëshortja e personave të mësipërm;
  - c) personat e lidhur me personin e autorizuar për të përfaqësuar ose për të mbikëqyrur shoqerinë. Persona të lidhur janë: të paralindurit apo të paslindurit, të afërmít në vijë të tërthortë të shkallës së dytë, birësuesi ose i birësuari, i afërmij i shkallës së parë i bashkëshortit/bashkëshortes;
  - d) një person, që banon me personin e autorizuar për të përfaqësuar ose për të mbikëqyrur shoqerinë.
4. Personat, të cilët kërkojnë miratim për një transaksion, sipas pikave 2 e 3 të këtij nenit, nuk mund të marrin pjesë në votimin për miratimin e veprimit e nuk llogariten në kuorun.

5. Çdo veprim që kërkon miratim, sipas pikave 2 dhe 3 të këtij nenit, publikohet në pasqyrat financiare dhe raportet e ecurisë së veprimitarës, së bashku me kushtet e veprimit, si dhe natyrën e objektin e interesit të personave të përfshirë.
6. Për efekt të statutit, me persona të autorizuar për të përfaqësuar ose mbikqyrur shoqërinë tregtare do të kuptojme ortakët e shoqërisë, administratorin, ekspertin kontabël të autorizuar dhe likuiduesin e shoqërisë.

#### **Neni 11**

##### **Parimi i besnikërisë**

1. Gjatë ushtrimit të tē drejtave, ortakët veprojnë, duke marrë parasysh interesat e shoqërisë dhe të ortakëve të tjera. I njëjtë detyrim zbatohet edhe për administratorët.
2. Me përashtim të rasteve kur parashikohet ndryshe ne ligj ose nga statuti, në rrethana të njëjta, ortakët gjëzojnë të njëjtat të drejta, kanë të njëjtat detyrime e trajtohen në mënyrë të barabartë.

#### **Neni 12**

##### **Ndalimi i konkurrencës**

1. Personat e autorizuar për të përfaqësuar ose mbikqyrur shoqërinë tregtare nuk mund të mbajnë një pozicion drejtues apo të jenë të punësuar në shoqëri të tjera, që ushtrojnë veprimitari në të njëtin sektor ekonomik me shoqërinë e parë. Gjithashtu, këta persona nuk mund të mbajnë statusin e tregtarit për të ushtruar veprimitari në këtë sektor.
2. Ndalimi i përmendur në pikën 1 të këtij nenit të shfuqizohet nëpërmjet një autorizimi të posaçem, të dhënë nga ortakët nga asambleja e përgjithshme me shumicë të kualifikuar.
3. Ndalimi i përmendur në pikën 1 të këtij nenit, të mabetet në fuqi edhe pas humbjes së cilësive apo statusit të përmendur në të, për një periudhë një vit pas humbjes së kësaj cilësie.
4. Nëse ndonjëri prej personave të përmendur në pikën 1 të këtij nenit shkel ndalimin e konkurrencës, shoqëria mund:
  - a) ta përashtojë atë nga shoqëria apo ta shkarkojë nga detyra;
  - b) të kërkojë ndërprerjen e veprimitarës konkuruese;
  - c) të ngrejë padi për shpërblimin e dëmit.
5. Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej personave të përmendur në pikën 1 të këtij nenit:
  - a) të pranojë se transaksionet e kryera për llogari të tij të kalohen për llogari të shoqërisë;
  - b) t'i transferojë shoqërisë të gjitha përsitimet që ka marrë nga kryerja e veprimeve për llogari të personave të tretë;
  - c) t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.
6. Padia për ushtrimin e të drejtave të shoqërisë ngritet brenda 3 viteve nga data e kryerjes së shkeljes. Për ngritjen e padisë ndaj personave të sipërpërmendur zbatohen, gjithashtu, dispozitat e pikës 3 të nenit 10 të ligjit “Për tregtarët dhe shoqëritë tregtare”.

#### **KREU IV KAPITALI THEMELTAR – PJESËMARRJA**

##### **Neni 13**

##### **Kapitali i shoqërisë dhe kuotat**

1. Kapitali i shoqërise ka vlerën 100.000,00 (njëqind mijë) lekë. Numri i përgjithshëm i kuotave të shoqërisë është 1 (një).
2. Kapitali i shoqërisë mund të zmadhohet, me vendim të Asamblesë së Përgjithshme. Në rast zmadhimit të kapitalit nëpërmjet shtimit të kuotave të reja, ortakët kanë të drejtën e

përparësise në nënskrim, proporcionalisht me shumën e kuotave të tyre, e drejtë nga e cila ata mund të heqin dorë.

3. Kapitali i shoqërisë, mund të zvogëlohet me vendim të Asamblesë së Përgjithshme. Zvogëlimi i kapitalit i prek të gjithë ortakët në të njëjtën masë ndaj kuotave të kapitalit që ata përfaqësojnë. Kapitali nuk mund te zvogëlohet nën kufirin minimal që lejon ligji "Për tregtarët dhe shoqëritë tregtare".

**Neni 14  
Kontributet**

1. Kapitali i shoqërisë, zotërohet nga ortaku:

- Alessia Vogli e cila zoteron 1 (një) kuotë me vlerë 100.000 (njëqind mijë) lekë e cila përfaqosor 100% (njëqind pikë përqindje) të kapitalit themeltar të shoqërisë.
- Vlera e kapitalit themeltar të shoqërisë është shlyer plotësish me kontributin e ortakëve sipas raportit të paraqitur më sipër.

**Neni 15**

**Kalimi i kuotave të kapitalit**

1. Kuotat e kapitalit të shoqërisë janë të kalueshme ndërmjet ortakëve dhe të kalueshme në rruge trashëgimie. Trashëgimtari, paraardhësi ose pasardhësi, bëhen ortakë, nëpërmjet kalimit të kuotave të kapitalit.
2. Kuotat e kapitalit të shoqërisë mund t'u kalohen personave të tretë që nuk bëjnë pjesë në shoqëri, me vendim të marrë me shumicën e ortakëve që përfaqësojnë të pakten  $\frac{1}{4}$  e pjesëve të kapitalit.
3. Ne rast kur njëri apo disa nga ortakët dëshirojnë të kalojnë pjesërisht apo plotësish, kuotat që ata zotërojnë në kapitalin e shoqërisë tek të tretët, më parë duhet që oferta për shitje t'u bëhet ortakëve të tjerë të shoqërisë. Kur ortakët që gëzojnë të drejtën e parablerjes kanë dyshime rrith çmimit të kuotave të ortakut që kërkon ti kalojë ato, mund ti drejtohen gjykates që të caktajo një ekspert vlerësues. Ortaku që kërkon kalimin e kuotave tek të tretët duhet të lajmërohet në një afat sa më të shpejt, nëse brenda 4 javëve ortakut nuk i jepet një përgjigje atëherë prezumohet se ortakët e tjerë kanë rënë dakord që kuotat e tij mund ti kalohen të tretëve.
4. Kalimi i kuotave do të bëhet me kontratë.
5. Kuotat mund të pjesëtohen për shkak të kalimit të tyre.

**Neni 16**

1. Ortakët mbulojnë personalisht humbjet e shoqërisë deri në pjesën e pashlyer të kontributeve të nënskruara.
2. Kontributet e ortakëve përbëjnë kapitalin e regjistruar të shoqërisë me përgjegjësi të kufizuar.

**KREU V  
ORGANET E SHOQËRISË, KUORUMI DHE ZGJEDHJA E TYRE**


**Neni 17**

**Asambleja e përgjithshme**

1. Ortaku ka të drejtë të marrë pjesë në mbledhjet dhe vendimet e asamblesë së Përgjithshme, dhe disponon një numër votash të barabartë me kuotat e kapitalit që ai zoteron.
2. Ortaku mund të përfaqësohet në asamblenë e përgjithshme, në bazë të një autorizimi nga bashkëshorti ose një person tjetër i zgjedhur prej tij, me kusht që këta të janë autorizuar me prokurë (përjashtohet përfaqesimi i një ortaku nga një ortak tjetër).



3. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.
4. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.
5. Asambleja e Përgjithshme thirret nga administratorët, ekspertët kontabël të autorizuar, po qe se ka të tillë, nga likuiduesit apo ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë. Këta ortakë mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës. Njoftimi do të bëhet me shkresë, ose nëpërmjet postës elektronike.
6. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpresa datës së parashikuar për mbledhjen e asamblesë.
7. Nëse në kundërshtim me pikën 5 të këtij nenit, asambleja e përgjithshme nuk thirret, ose çështja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, ka të drejtë të procedojë sipas ligjit në fuqi "Për Tregtarët dhe Shoqëritë Tregtare".
8. Lajmërimi për mbledhjen e asamblesë së përgjithshme rregullisht bëhet nga administratorët.
9. Asambleja e Përgjithshme merr vendime për çështjet e mëposhtme dhe është përgjegjëse për to:
  - a) Përcaktimin e politikave tregtare të shoqërisë; ndryshimet e statutit;
  - b) Emërimin dhe shkarkimin e administratorëve të shoqërisë;
  - c) Emërimin e shkarkimin e likuiduesve, të ekspertëve kontabël të autorizuar dhe të këshilltarëve juridikë;
  - d) Përcaktimin e shpërblimeve për administratorët, likuiduesit, ekspertët kontabël të autorizuar dhe këshilltarëve juridikë;
  - e) Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
  - f) Miratimin e pasqyrave financiare vjetore dhe të raporteve të ecurisë së veprimtarisë (pas marrjes dhe shqyrtimit të dokumentacionit përkatës);
  - g) Zmadhimin dhe zvogëlimin e kapitalit (pas marrjes dhe shqyrtimit të dokumentacionit përkatës);
  - h) Pjesëtimin e kuotave dhe anulimin e tyre;
  - i) Përfaqësimin e shoqërisë në gjykatë e në procedimet e tjera ndaj administratorëve;
  - j) Riorganizimin dhe prishjen e shoqërisë;
  - k) Miratimin e rregullave procedurale të mbledhjeve të asamblesë;
  - l) Cështje të tjera të parashikuara nga ligji ose nga Statuti.
10. Të gjitha vendimet e marra nga Asambleja e Përgjithshme regjistrohen në një regjistër të vendimeve, të dhënat e të cilët nuk mund të ndryshohen ose të fshihen.
11. Duhen regjistruar në veçanti, por pa u kufizuar në to, vendimet për:
  - a) Miratimin e pasqyrave financiare vjetore dhe të raporteve të ecurisë së veprimtarisë;
  - b) Shpërndarjen e fitimeve vjetore dhe mbulimin e humbjeve;
  - c) Investime;
  - d) Vendimet për riorganizimin dhe prishjen e shoqërisë.
12. Vendimet e Asamblesë konsiderohen të miratuara kur për to ka votuar shumica e ortakëve që përfaqësojnë të paktën  $\frac{3}{4}$  e pjesëve të kapitalit themeltar.



- 13.** Nëse asambleja e përgjithshme nuk mund të mblidhet për shkak të mungesës së kuorimit të përmendor në këtë pikë, të këtij nenit, asambleja mblidhet përsëri jo më vonë se 30 ditë, me të njëjtin rend dite.

**Neni 18**  
**Administrimi**

1. Shoqëria administrohet nga një ose më shumë administratorë të cilët janë persona fizikë të zgjedhur brenda bashkësisë së ortakëve apo dhe jashtë saj.
2. Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit, është deri në 5 vjet, me të drejtë ripërtëritjeje, me përjashtim të rastit të dorëheqjes ose të shkarkimit të parakohshëm para mbarimit të afatit. Shkarkimi i administratorëve nga organi kompetent mund të bëhet në cdo kohë.
3. Emërimi i administratorëve prodhon efekte pas regjistrimit në Qendrën Kombëtare të Biznesit.
4. Administratorët emërohen dhe shkarkohen me vendim të asamblesë së përgjithshme sipas parashikimeve të statutit.

**Neni 19**

**Emërimi i pare i administratororeve**

Administrator i shoqërisë për periudhën 1-vjeçare nga data 07.11.2022 deri në 06.11.2023 emërohet **Rezart Kthupi** i biri i Ramazan dhe Fatbardha datelindjes 03/08/1976 lindur në Durrës dhe banues në Durrës, Lgj: Nr.3, Rr: Egnatia, Kodi Postar 1015, Durrës.

**Neni 20**

**Kompetencat e administratorëve**

1. Administratorët kanë të drejtë e detyrohen të:
  - a) kryejnë të gjitha veprimet e administrimit të veprimitarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - b) përfaqësojnë shoqërinë tregtare;
  - c) kujdesen pér mbajtjen e saktë e të rregullt të dokumenteve dhe të librave kontabël të shoqërisë;
  - d) përgatisin dhe nënshkruanjë bilancin vjetor, bilancin e konsoliduar dhe reportin e securisë së veprimitarisë dhe, së bashku me propozimet pér shpërndarjen e fitimeve, i paraqesin këto dokumente përrpara asamblesë së përgjithshme pér miratim;
  - e) krijojnë një sistem paraljmërimi në kohën e duhur pér rrethanat, që kërcënojnë mbarëvajtjen e veprimitarisë dhe ekzistencën e shoqërisë;
  - f) kryejnë regjistimet dhe dërgojnë të dhënët e detyrueshme të shoqërisë, siç parashikohet në ligjin pér Qendrën Kombëtare të Biznesit;
  - g) raportojnë përrpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë pér veprimitarinë e shoqërisë tregtare;
  - h) kryejnë detyra të tjera të përcaktuara në ligj dhe në statut.
2. Administratorët janë të detyruar të thërrasin asamblenë e përgjithshme përsa parashikon statutit ose ligji.
3. Asambleja e përgjithshme mund të shkarkojë administratorin/ët në çdo kohë me shumicë të zakonshme.

**Neni 21**

**Kufizimet e administratorëve**

1. Administratori/administratorët e shoqërisë pa miratimin me vendim nga ana e Asamblesë së Përgjithshme nuk mund të:

- a. Lidhin kontrata, marrin përsipër detyrime apo shlyejnë pagesa të cilat tejkalojnë vlerën prej 5.000.000 (pesë milion) lekësh apo ekuivalentin e kësaj shumë ne monedhë të huaj apo në cdo formë tjetër të konvertueshme.
  - b. Lidhin kontrata, marrin përsipër detyrime apo shlyejnë pagesa, të cilat, gjatë kohëzgjatjes 1 vjcare e ngarkojnë shoqërinë me detyrime që tejkalojnë vlerën prej vlerën prej 5.000.000 (pesë milion) lekësh apo ekuivalentin e kësaj shumë ne monedhë të huaj apo në cdo formë tjetër të konvertueshme.
2. Për marrjen e vendimit të Asamblesë së Përgjithshme pér autorizimin dhe miratimin e kërkesës përkryerjen e veprimeve të kufizuara ndiqen rregullat e parashikuara në nenin 18.

#### **Neni 22**

##### **Ekspertë kontabël të autorizuar**

1. Në rast nevoje si dhe kur kërkohet nga ligji, kontrolli finansiar dhe aprovimi i llogarive vjetore kryhet nga një ekspert kontabel i autorizuar, i emëruar pér dy vite financiare me mundësi rizgjedhjeje nga asambleja e përgjithshme me shumicë të zakonshme.
2. Shkarkimi i ekspertit kontabël të autorizuar vendoset në të njëjtat kushte si emërimi i tij, në rast se vërehen gabime, abuzime ose bëhet e pamundur kryerja e detyrës.

#### **KREU VI**

##### **VOTA**

##### **Neni 23**

##### **E drejta e votës**

1. Çdo kuotë jep të drejtën e një vote. Çdo ortak votat që ka mund ti japi vetëm në uniformitet.

#### **Neni 24**

##### **E drejta pér të kaluar rezolutë**

1. Asambleja e përgjithshme mund të miratojë rezolutë pa plotësuar kriteret e njoftimit në statut apo në ligj. Që të miratohet një rezolutë në mbledhjen e asamblesë së përgjithshme duhet të janë të pranishëm të gjithë ortakët personalisht dhe ta votojnë atë në mënyrë të unifikuar.

#### **KREU VII**

#### **MARREDHËNIET FINANCIARE**

##### **Neni 25**

##### **Viti finanziar**

1. Çdo vit finanziar fillon nga 1 Janar dhe përfundon më 31 Dhjetor.

#### **Neni 26**


##### **Bilanci vjetor**

1. Bilanci vjetor, inventari, raportet mbi operacionet e vittit finanziar dhe raportet e veçanta të hartuara nga administratorët dhe eventualist nga eksperti kontabël i autorizuar, miratohen nga asambleja e përgjithshme e zakonshme.
2. Miratimi i dokumentave mbi veprimtarinë vjetore bëhet brenda një afati prej tre muajsh nga data e mbylljes së vittit finanziar.
3. Gjuha që përdoret në hartimin e dokumentave vjetore është gjuha shqipe.

#### **Neni 27**

##### **Dividentet**

1. Pas miratimit të llogarive vjetore dhe evidentimit të ekzistencës së fitimeve, asambleja e përgjithshme përcakton pjesën që u takon ortakëve në formën e dividenteve mbi fitimin në rapport me kuotat që gjithsecili ka në shoqëri. Fitimi që do të ndahet ndërmjet ortakëve në



raport me kuotat, përbëhet nga fitimi i vtit finanziar të cilit i janë zbritur shumat e lëna mënjanë për fondin rezervë të domosdoshëm (5 % e fitimit të çdo viti, deri sa ky fond të arrijë vlerën 1/10 e kapitalit themeltar) dhe nga ana tjetër i janë zbritur ose i janë shtuar respektivisht humbjet apo fitimet e mbartura nga vitet e mëparshme.

#### Neni 28

##### **Marrëdhëni me bankat dhe institutet financiare**

- Shoqëria ka të drejtë të hapë llogari likuiduese pranë një ose më shumë bankave ose institucioneve financiare dhe të mund të kryejë veprime likuiduese pranë bankave. Në këto banka ose institute financiare si nënskrim i parë do të depozitohet ai i administratorit të shoqërise, i cili duhet të nënskruajë për të gjitha veprimet financiare në emër e për llogari të shoqërisë. Ai mund të autorizojë edhe persona të tjera brenda shoqërisë.

#### Neni 29

##### **Marredhënia me organet tativore**

- Veprimtaria ekonomike e shoqërise mbaron me 31 dhjetor të çdo viti. Administratori ose personat e caktuar prej tij janë të detyruar të paraqesin bilancin vjetor dhe deklarimin e të ardhurave, dhe t'i depozitojnë ato pranë organit përkatës të tatimeve.

#### KREU VIII

#### **ZGJIDHJA E KONFLIKTEVE**

##### Neni 30

##### **Mosmarrëveshjet**

- Të gjitha mosmarëveshjet që mund të lindin gjatë ekzistencës së shoqërisë ose gjatë periudhës së likuidimit midis ortakëve, ndërmjet Shoqërisë dhe ortakëve, do zgjidhen me arbitrazh. Institucioni i arbitrazhit do të jetë Dhomë Shqiptare e Arbitrazhit. Rregullat e arbitrazhit do të jenë rregullat proceduriale të Dhomës Shqiptare të Arbitrazhit. Mosmarrëveshjet do të gjykojnë nga një gjyqtar i vetëm, i cili do të caktohet nga Dhomë Shqiptare e Arbitrazhit, sipas procedurave të këtij institucioni për caktimin e arbitrit të vetëm. Legislacioni që do të zbatohet gjatë gjykimit në arbitrazh do të jetë legjislativi shqiptar.

#### **DISPOZITA TE TJERA**

#### **NENI 32**

Ky akt themelimi perpilohet ne dy kopje, duke patur secila kopje fuqi te plete ligjore.

Autorizohet administratori **Rezart Kthupi** për regjistrimin e shoqërisë pranë QKB-së.

Akti i themelimit nenskruhet rregullisht nga ortakët themelues të Shoqerise "**THEMATIC INFORMATION BROADCASTING OPERATOR**" Shpk.

#### **THEMELUESI I SHOQËRISË** **THEMATIC INFORMATION BROADCASTING OPERATOR sh.p.k**

ALESSIA VOGLI

